



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-140/23
Sarajevo, 25.01.2023. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 23. sjednici održanoj dana 25.01.2023. godine, primilo je k znanju

Informaciju o realizaciji javnog dočeka Nove 2023. godine.

PREDSJEDAVALJUĆI GRADSKOG VIJEĆA

Jasmin Ademović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*Informacija
o realizaciji javnog dočeka Nove 2023. godine*

Sarajevo, januar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



**Informacija
o realizaciji javnog dočeka Nove 2023. godine**

Strategijom razvoja Grada Sarajeva 2021.-2027., u okviru strateškog cilja 5. GRAD HILJADU MOSTOVA, jedan od prioriteta je pozicioniranje Sarajeva kao novogodišnjeg centra regije.

Programom rada gradonačelnice Grada Sarajeva za 2022. godinu i Budžetom Grada Sarajeva za 2022. godinu („Službene novine Kantona Sarajevo“, br. 2/22 i 49/22), planirana je organizacija javnog dočeka Nove 2023. godine.

Budžetom Grada Sarajeva za 2022. godinu osigurana su sredstva za javni doček Nove 2023. godine, uz finansijsku podršku i drugih nivoa vlasti kako slijedi:

Redni broj	INSTITUCIJA	IZNOS SREDSTVA
1.	Grad Sarajevo	260.000,00 KM
2.	Turistička zajednica Kantona Sarajevo	100.000,00 KM
3.	Federalno ministarstvo kulture i sporta	15.000,00 KM
4.	Općina Stari Grad Sarajevo	10.000,00 KM
5.	Općina Centar Sarajevo	20.000,00 KM
6.	Općina Novo Sarajevo	15.000,00 KM
7.	Općina Novi Grad Sarajevo	10.000,00 KM
8.	UKUPNO	430.000,00 KM

Iako je opravdanost ulaganja u javni doček Nove godine odavno prepoznata ne kao trošak, već kao dobra investicija, ipak je zatraženo od Ekonomskog instituta Sarajevo da uradi Analizu o opravdanosti ulaganja budžetskih sredstava u organizaciju javnog dočeka Nove godine u Sarajevu.

Analizom se htjelo doći do što egzaktnijih podataka o stanju na turističkom tržištu nakon pandemije izazvane virusom COVID-19, doći do raspoloživih statističkih podataka iz regije, BiH, a naročito onih koji pokazuju stanje u Kantonu Sarajevo.

Turizam je privredna grana koja je pretrpjela najveće štete, ali ujedno bilježi ogroman rast u oporavku nakon pandemije. Svi pokazatelji ukazuju da treba iskoristiti ovaj trenutak i nametnuti se kroz tzv. „turizam događaja“ kao atraktivna turistička destinacija u regiji, ali i šire. Sarajevo je zimski turistički centar s atraktivnim skijalištima (Bjelašnica, Igman, Jahorina, Ravna planina) i ima brend olimpijskog grada. Zato je atraktivni javni doček Nove godine događaj koji upotpunjuje očekivanja turista koji Sarajevo posjećuju u zimskoj turističkoj sezoni.

Analiza je sve navedeno potvrdila, ukazala na opravdanost ulaganja budžetskog novca u ovaj događaj i na osnovu naučno izvedene, matematičke formule, dala projekciju opravdanog iznosa ulaganja za javni doček Nove 2023. godine, ali i progresiju za naredne godine.

Nakon što u Sarajevu, radi pandemije COVID-19, dvije godine nije organizovan javni doček Nove godine, Grad Sarajevo je organizacijom javnog dočeka Nove 2023. godine ponovo Sarajevo stavio na poziciju novogodišnjeg centra regije.

Pripremne aktivnosti započete su u martu 2022. godine. Izvršeno je istraživanje tržišta u smislu ispitivanja zainteresiranosti potencijalnih izvođača i procjene troškova organizacije. Tom prilikom vodilo se računa da su to bh. izvođači, da uživaju popularnost u BiH i regiji. Cilj je bio održati rejting koji je ustanovljen do pojave pandemije COVID-19 (Dino Merlin, Zdravko Čolić, Željko Joksimović, Hari Mata Hari).

Ugovor o organizaciji javnog dočeka Nove 2023. godine zaključen je između Grada Sarajevo i Linden d.o.o. – tehničkim organizatorom javnog dočeka Nove 2023. godine i ovlaštenog producenta organizacije koncerta benda Dubioza Kolektiv, u iznosu od 350.000,00 KM bez PDV. Ugovor je zaključen u skladu sa Zakonom o javnim nabavkama BiH („Službeni glasnik BiH“, broj 39/14).

S ciljem realizacije aktivnosti, formiran je Izvršni odbor za organizaciju Javnog dočeka Nove 2023. godine u gradu Sarajevu, koji je održao četiri sjednice.

U radu Izvršnog odbora učestvovali su predstavnici Vlade Federacija BiH, Vlade Kantona Sarajevo, Ministarstva unutrašnjih poslova KS, Turističke zajednice Kantona Sarajevo, predstavnici Grada Sarajevo, predstavnici četiri gradske općine, tehnički organizator javnog dočeka – Linden d.o.o., te predstavnici KJKP „Rad“ i KJKP „Park“.

U skladu sa zaključcima Izvršnog odbora, kao i ukazanim potrebama, Grad Sarajevo je, u skladu s podnesenim zahtjevima, ishodovao sve potrebe saglasnosti i dozvole za organizaciju javnog dočeka Nove 2023. godine na prostoru ispred „Vječne vatre“.

Također, u skladu sa zahtjevima Ministarstva unutrašnjih poslova KS, osigurano je prisustvo ekipa Hitne pomoći i Profesionalne vatrogasne brigade. Od traženih 80, bilo je angažovano 90 pripadnika zaštitarskih ekipa, te postavljeno nekoliko desetina mobilnih toaleta.

Kao rezultat dobre saradnje predstavnika Grada i Kantona Sarajevo, osiguran je produžen i besplatan tramvajski i trolejbusi prijevoz u novogodišnjoj noći od strane Centrotransa i Gras-a.

Program javnog dočeka Nove 2023. godine počeo je u 20:30 sati nastupom DJ Audio Infuktion, nakon čega je u 22:00 sata nastavljen nastupom benda Karne.

U 23:00 sata počeo je nastup grupe Dubioza Kolektiv koji je nakon odbrojavanja i čestitki gradonačelnice Sarajeva Benjamine Karić i šefa Delegacije Europske unije u Bosni i Hercegovini i specijalnog predstavnika EU u BiH Johann Sattlera, i vatrometa tačno u ponoć, nastavljen do 00:45 sati 01.01.2023. godine.

Od 00:45 do 02:00 sati ponovo je nastupio DJ Audio Infuktion.

Nakon što je javni doček završen, ekipe KJKP „Rad“ izvršile su čišćenje i pranje ulica, a saobraćaj je pušten dvanaest sati ranije od planiranog.

Gradonačelnica Sarajeva u novogodišnjoj noći obišla je dežurne ekipe u Profesionalnoj vatrogasnoj brigadi, Zavodu za hitnu medicinsku pomoć, Saobraćajnoj policiji KS, Policijskoj upravi Centar, JU Apotekama Sarajevo, kao i prvu bebu rođenu u Novoj 2023. godini.

Važno je istaći da je javni doček Nove 2023. godine protekao bez ijednog zabilježenog incidenta.